



Aningaasaqarnermut Naalackersuisoq

Ulloq: 3. december 2012

J.nr.: 01.31.06/12-00606

Aningaasaqarnermut Akileraartarnermullu Ataatsimiititaliap sisamangornermi ulloq 29. november 2012-imi aalajangiineranik Naalackersuisunut ilisimatitsineq (suliaq nr. 01.31.06/12-00606)

2012-imi sulisunik utaqqiisaasumik najugaqartitsineq pillugu missingersuutitut sunniteqanngitsumik ilassutitut aningaasaliissuteqarnissamik qinnuteqaat

Naalackersuisut inassutigaaat,

- Konto pingaarnermi 20.30.09-mi, sulisunut utaqqiisaasumik najugaqartitsinermi tunngasumi, aningaasaliissutit 2.800.000 kr.-inik amerlineqassasut,
- Konto pingaarnermi 20.30.01-mi, Aningaasaqarnermut Sulisoqarnermullu Aqutsisoqarfimmut tunngasumi, aningaasaliissutit 650.000 kr.-inik ikilineqassasut,
- Konto pingaarnermi 20.30.04-mi, sulitilluni ajoqusersinnaanermut sillimmasersimasussaatitaanermut kiisalu angalanermut ajutoorsinnaanermullu inatsisit naapertorlugit sillimmasersimasussaatitaanermut tunngasumi, aningaasaliissutit 2.150.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Konto pingaarneq 20.30.01, Aningaasaqarnermut Sulisoqarnermullu Aqutsisoqarfimmut tunngasoq, aamma konto pingaarneq 20.30.04, sulitilluni ajoqusersinnaanermut sillimmasersimasussaatitaanermut kiisalu angalanermut ajutoorsinnaanermullu inatsisit naapertorlugit sillimmasersimasussaatitaanermut tunngasoq, aqqutigalugit aningaasalersorneqartussamik konto pingaarnermut 20.30.09-mut, sulisunik utaqqiisaasumik najugaqartitsisarnermut tunngasumut, aningaasaliissutit 2,8 mio. kr.-inik amerlineqarnissaat Naalackersuisut qinnutigaat.

Utaqqiisaagallartumik aammalu utaqqiisaasumik najugaqartitsisarnermik INI A/S-ip aqutsinerata ingerlatsinermut missingersuutit arlallit kukkuneqarnerannik kinguneqarsimanera assut isornarpoq. Tamanna inissianik nalinginnaasumik attartortittakkanik INI A/S-ip aqutsinerata aamma isumakuluutiginnissaanut tunngavissaqalersitsivoq.

Utaqqiisaagallartumik aammalu utaqqiisaasumik najugaqartitsisarnermi ingerlatsinermut missingersuutit arlallit kukkuneqartut taakku Aningaasaqarnermut Sulisoqarnermullu Aqutsisoqarfiup (ASA-p) ingerlaavartumik nakkutilliinikkut siusinnerusukkat

paasisimangimmagit assut eqqarsarnarpoq. Suliaq una pillugu Kukkunersuinermut Ataatsimiititaliaq ilisimatinneqarpoq.

Qinnuteqaat Aningaasaqarnermut Ataatsimiititaliap ima apeqquqteqarlunilu oqaaseqateqarnissaanut pissutissaqalersitsivoq:

1. Inissiat nalinginnaasumik attartortittakkat pillugit INI A/S-ip ingerlatsinermit missingersuutaanni pissusissamisunngitsoqartoq Naalackersuisunit ilisimasaqarfigineqarpa?
2. Siuliani allassimasutut siunissami pisoqaqqinnginnissaa qulakkeerumallugu aqutsinissamik isumaqatigiissutissaq qanoq tigussaasumik ilusilerneqarsinnaasutut Naalackersuisunit isigineqarpa?
3. Periutsit nakkutilliissutillu qanoq ittut Naalackersuisunit tigussaasumik atuutsinneqalernissaat eqqarsaatigineqarpa, taamaaliornikkut ingerlatsinermit missingersuutit kukkuneqarnerat ASA-mit siusissorujussuakkut paasineqarsinnaaqqullugu?
4. Fakturat arlallit 2011-meersut, ingerlatseqatigiiffiup akilertikkumasai, INI A/S-imit novemberip aallartinnerani saqqummiunneqarsimasut isummernissamat tunngavissiami allassimavoq. Fakturat naatsorsuutip ukiuata qaangiutereernerani taama kingusitsigisukkut INI A/S-imit saqqummiunneqartut akilerneqarnissaat Naalackersuisunit itigartinneqarsinnaaqqullugu aqutsinissamik isumaqatigiissutissaq qanoq ilusilerneqarsinnaasutut Naalackersuisunit nalilerneqarpa?
5. Bonusianik tunniussisarnerup aqutsinissamik isumaqatigiissutissami sukaterneqarsinnaanera Naalackersuisut qanoq periarfissaqarsoraat, taamaalilluni INI A/S-ip tungaanit pitsaanagerusumik aqutsinissamat kajumissuseqalertoqaqqullugu?
6. Konto pingarneq 20.30.04 inatsisitigut pisussaaffigalugu aningaasaliissutaamat ataatsimiititaliamit oqaatigineqassaaq. Taamaattumillu qinnuteqaatip matuma kingunerisaanik aningaasaliissutit sipporneqarsimanerat kingusinnerusukkut Nunatta Karsiata 2012-imi naatsorsuutaani paasinarsissagaluarpat assorsuaq isornartoqartinneqassaaq.
7. Konto pingarnermut 20.30.09-mut, sulisunut utaqqiisaasumik najugaqartitsinermit tunngasumut, missingersuutinut ilanngussami allassimavoq konto pingarnermit matumani qaffaaneq konto pingarnermit 20.30.04-mi aningaasaliissutit 0,65 mio. kr.-inik ikilinerisigut kiisalu konto pingarnermit 20.30.01-imi aningaasaliissutit 2,15 mio. kr.-inik ikilinerisigut matussuserneqartoq. Ataatsimiititaliap naatsorsuutigaa tamanna kukkunerusoq aammalu 2012-imi ilassutitut aningaasaliissutinut inatsimmik saqqummiussinikkut iluarsineqassasoq, tassami inassueqaatini aammalu missingersuutinut ilanngussat sinnerini allassimamat konto pingarneq 20.30.01-imi aningaasaliissutit 0,65 mio. kr.-inik ikilineqartut aammalu konto pingarnermit 20.30.04-mi aningaasaliissutit 2,15 mio. kr.-inik ikilineqartut. Ataatsimiititaliali naatsorsuutigisaanit pissutsit allaaneruppata Naalackersuisut kinguarsaanertaqanngitsumik tamanna pillugu ataatsimiititaliamut ilisimatitsissuteqassapput.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni aammalu apeqqutitut siuliani allassimasunut Naalakkersuisut kingusinnerpaamik ulloq 10. december, nal. 12 kalaallisut danskisullu, assilinera qarasaasiakkut uunga nassiunneqartumik, akissuteqareersimanissaat **tunngavissaatillugu** Naalakkersuisut inassuteqaataat Aningaasaqarnermut Ataatsimiititaliamit akuerineqarput: julie@inatsisartut.gl.

Ataatsimiititaliap sinnerlugu

Andreas Uldum
Ataatsimiititaliap siulittaasua

Assilineri: Kukkuersiuiinermut Ataatsimiititaliap